

四庫全書

史部

欽定四庫全書

史部

明集禮卷三十八

九

詳校官監察御史^臣劉芬

編修^臣程嘉謨覆勘

總校官知縣^臣楊懋珩

校對官中書^臣李奎

謄錄監生^臣王焜

欽定四庫全書

明集禮卷三十八

凶禮三

斬衰三年圖

正服

子為父

女在室為父已許嫁同

女嫁反在父室為父

謂父喪期年內被出者

加服

嫡孫為祖後者為祖

為曾高後者亦同

父為嫡子

義服

婦為舅

為人後者為所後父

妻為夫

妾為主

齊衰三年圖

正服

子為母

女在室為母 已許嫁同

女嫁反在室為母 謂母喪期年內被出者

加服

母為長子

為祖後者祖卒為祖母 為曾高後者亦同

義服

婦為姑

為繼母

為慈母

謂庶子無母而父命他妾之無子者慈已

繼母為長子

妾為主之長子

為人後者為所後母

齊衰杖期圖

正服

為祖後者祖在為祖母

為曾高後者亦同

降服

為嫁母出母

報服亦同

義服

父卒嫡繼養慈母歸宗為之服若改嫁從者

為之服

報服亦同

夫為妻

齊衰不杖期圖

正服

為祖父母

父所生庶母亦同

為伯叔父

為兄弟

為衆子男女

為兄弟之子

女在室同

為姑姊妹女在室及適人而無夫與子者

女在室者為兄弟姪

姪女在室同

婦人無夫與子者為其弟兄姪

姪女及姊妹在室同

女為祖父母

妾為其子

加服

為嫡孫若曾玄孫當為後者

女適人者為兄弟之為父後者

降服

為人後者為其父母

報服亦同

女適人者為其父母

妾為其父母

庶子為其母

義服

為伯叔母

為夫兄弟之子

男女同

為繼父同居

妾為嫡妻

妾為主之衆子

舅姑為嫡婦

齊衰五月圖

正服

為曾祖父母

女為曾祖父母
出嫁同

齊衰三月圖

正服

為高祖父母

女為高祖父母

義服

為繼父不同居

謂先同今異

大功九月圖

殤

中殤
七月

正服

為子之長殤中殤 男女同

為叔父之長殤中殤

為姑姊妹之長殤中殤

為兄弟之長殤中殤

為嫡孫之長殤中殤 嫡魯玄孫同

為兄弟之子長殤中殤

義服

為夫之兄弟之子長殤中殤 男女同

成人

正服

為同堂兄弟

姊妹在室同

為衆孫

女在室同

降服

為女適人者

為姑姊妹適人者

女適人為兄弟姪

姑姊妹及姪
女在室同

出母為女

為人後者為其兄弟

報服同

女適人者為伯叔父

報服同

為人後者為其姑姊妹在堂者

報服同

義服

為夫之祖父母

為夫之伯叔父母

為兄弟子之婦

為夫兄弟子之婦

夫為人後者其妻為本生舅姑

為衆子婦

女適人者為伯叔母

小功五月圖

殤

正服

為男女之下殤

為叔父姑姊妹兄弟之下殤

為嫡孫之下殤

為衆孫之長殤

男女同

為兄弟之子下殤

男女同

為同堂兄弟姊妹之長殤

降服

為人後者為其姑姊妹兄弟之長殤

出嫁姑為姪之長殤

男女同

義服

為夫兄弟子之下殤

男女同

為夫之叔父之長殤

成人

正服

為伯叔祖父母

為兄弟之孫

為兄弟之孫女在室者

為同堂伯叔父母

為同堂兄弟之子

為同室兄弟之女在室者

為從祖姑姑姊妹之在室者

報服亦同

為從祖祖姑在室者

報服同

為再從兄弟

為外祖父母

為母之兄弟姊妹

報服同

卷三十八
為同母異父之兄弟姊妹

降服

為同堂姊妹適人者 報服同

為人後者為其姑姊妹適人者 報服同

為孫女適人者

義服

為夫同堂兄弟之子

為夫兄弟之孫

妯娌相為服

為夫之姑姊妹在室者

適人同報服如之

為嫡母之父母兄弟姊妹

為庶母慈已者

為嫡孫之婦

母出為繼母之父母兄弟姊妹

為兄弟妻

報服亦同

總麻三月圖

殤

正服

為從父兄弟姊妹之中殤下殤

為眾孫之中殤下殤

男女同

為從祖叔父之長殤

為舅姨之長殤

為從祖兄弟之長殤

為從父兄弟之子長殤

為兄弟之孫長殤

為從祖姑姊妹之長殤

降服

為人後者為其兄弟之中殤下殤

出嫁姑為姪之中殤下殤

男女同

為人後者為其姑姊妹之中殤下殤

為人後者為從父兄弟之長殤

義服

為夫之叔父之中殤下殤

為夫之姑姊妹之長殤

成人

正服

為族兄弟

為族曾祖父母

為兄弟之曾孫

為族祖父母

為兄弟之曾孫女在室者

為外孫

男女同

為同堂兄弟之孫

同堂兄弟之孫女在室同出嫁則無服

為再從兄弟之子

再從兄弟之女在室同出嫁則無服

為曾孫玄孫

為從母兄弟姊妹

為姑之子

為舅之子

為族曾祖姑在室者 報服同

為族祖姑在室者 報服同

為族姑在室者 報服同

降服

為從祖姑姊妹適人者 報服同

女適人者為同堂伯叔父母 報服同

庶子為父後者為其母

為從祖祖姑適人者

為人後者為外祖父母

為兄弟之孫女適人者

報服同

子為父母妻妾為夫改葬既葬除之

義服

為夫兄弟之曾孫

為夫同堂兄弟之孫

為夫再從兄弟之子

男女同

為衆孫之婦

為庶母

謂父妾之
有子者

為乳母

為妻之父母

報服同

為夫之曾祖父母

為夫之從祖祖父母

為兄弟孫之婦

為夫兄弟孫之婦

為夫之從祖父母

為同堂兄弟子之婦

為甥之婦

為夫之外祖父母

為外孫婦

為同堂兄弟之妻

報服同

為夫之舅姨

為夫同堂兄弟子之婦

為夫之從父兄弟之妻

為夫之從姊妹在室及適人者

為姊妹之子之婦

				高祖母 三月 齊衰
			曾祖母 五月 齊衰	曾祖母
		曾祖母 嫁無	總麻	祖母 齊衰 不杖期
		從祖母 嫁無	總麻	姑 嫁無
		再從姑 嫁無	總麻	姑 嫁小功
		再從姑 嫁無	總麻	從姑 嫁總麻
		三從姊妹 嫁無	總麻	從姊妹 嫁總麻
		再從姊妹 嫁無	總麻	從姊妹 嫁總麻
		再從姊妹 嫁無	總麻	從姊妹 嫁總麻
		再從姪女 嫁無	總麻	從姪女 嫁總麻
				從姪女 嫁總麻
				從姪女 嫁總麻
				曾姪孫女 嫁無
				曾姪孫女 總麻
				無服
				無服

妻

婦

孫婦

曾孫婦

玄孫婦

齊衰杖期
父母在則
不杖

衆子期
婦大功

嫡婦小功
庶婦大功

無服

無服

不杖期

不杖期

小功

總麻

總麻

三父八母服制之圖

繼

子皆無大功
 以上視乃表
 不杖期
 不同居謂先
 後母嫁父
 同居後共成
 雖同居而繼

母 女

去生子謂
 父正室曰
 嫡母正服
 祫喪三年
 母與嫡子
 亦報服○
 為眾子則
 服不杖期
 ○庶子為
 嫡母之父
 母兄弟姊
 妹小功母
 死不報

庶

謂父妾之有
 子者及子謂
 之庶服庶
 士之庶子為
 其母祫喪三
 年為父後則
 降庶子為父
 後若為異母
 總麻而為其
 母之父母兄
 弟姊妹則無
 服
 庶子之子為
 父之母不杖

乳

母

意

謂庶子無母
 而父命他妾
 之無子者為
 已也同說母
 義服齊衰
 三年不命則
 服小功
 謂小乳哺
 曰乳母義

母 出

謂杖父離弃
 降服杖期母
 為子降服不
 杖期○子為父
 後者則不服女
 適人為出母乃
 降服大功母為
 女亦報服

父

父有子已有大功已上親服齊衰五月元不同居則無服附異父同母之兄弟姊妹各服小功五月

繼母

謂父再娶之母養服齊衰三年○繼母為長子報服齊衰三年為衆子乃服不杖期○繼母出則無服若父卒繼母嫁則不杖期母出則不杖期母出則不杖期母出則不杖期母出則不杖期

母

其為祖後無服
其為其子
其為衆子
其為不杖期
其為君之長子
其為三年妾
其為斬衰三年
其為女君為其父母不杖期庶母慈已者謂自小乳養本身者亦為之服小功


養母

謂養同宗及三歲以下遺棄之子者與親母同正服齊衰三年


嫁母

謂父再娶嫁降杖期母為子乃杖期女子已嫁人者乃服大功母為女報服子嫁後者不服夫之子從已嫁者服不杖期

妻為夫黨服圖



外族母黨妻黨服圖



襲舍哭位之圖

下
以
功
期
姓
同

男
眾
喪
主

行
尊
文
夫

奠

夫
丈
姓
異

衣
襲
陳

中
卒

行尊婦女

尸

覆之以衾

挽

倚

帛

魂

卓

堂

銘

旌

壽

次女為服以女姓同
主婦家女姓同

無姓婦女

合飲

小斂圖

主 喪

拊 哭 尸 憑 髮 拊




婦 主 憑 尸 哭 拊 髮

明集禮

大斂圖

床
靈



喪服圖

斬衰斬不緝也衣裳皆用極麤生布旁及下際皆不緝也裳前三幅後四幅縫內向前後不連每幅作三幅謂屈其兩邊相著而空其中也衣長過腰足以掩裳上際縫外向背有負板用布方尺八寸綴於領下垂之前當心有衰用布長六寸廣四寸綴於左衽之前左右有辟領各用布方八寸屈其兩端相著為廣四寸綴於領下


在負板兩旁各攬負板一寸兩腋下有衽各用布三尺五寸上下各留一尺正方一尺之外上於左旁裁入六寸下於右旁裁入六寸便於盡處相望斜裁却以兩方左右相沓綴於衣兩旁垂之向下狀如燕尾以掩裳旁際

齊衰之制並如斬衰但用次等麤生布緝其旁及下際杖期服制同齊衰又用次等生布不杖期又用次等生布大功用稍麤熟布無負板辟領


小功用稍熟細布總麻用極細熟布

婦人斬衰服用極麤生布為大袖長裙蓋頭皆
不緝布頭帶竹釵麻屨齊衰服同但用次等布
為異

裁辟領四寸之圖




裁辟領四寸為左右適圖



裁袷圖




別用布長一尺六寸八分
塞闊八寸
中為領圖




反摺向前圖



兩衽相疊圖




衰 衣 前 圖




縫其下一尺留上一尺二寸為袖口

衰 衣 後 圖



制 裳



幅 三 前 幅 四 後

斬衰冠




冠比衣裳用布稍細紙糊為材廣三寸長足跨頂前後裹以布三幅皆向右縫縫之用麻繩一條從額上約之至頂後交過前各至耳結之以為武屈冠兩頭入武內向外反屈之縫於武武之餘繩垂下為纓結於頤下齊衰冠並如上制以布為武及纓

齊衰冠

大功冠

並同齊衰



小功冠

三辟積向左
餘與齊衰同


緦麻冠

澡纓辟積同小
功餘與齊衰同

斬衰首經以有子麻為之其圍九寸麻本在左從額
前向右圍之從頂過後以其末加於本上又以繩
為纓以固之如冠之制腰經大七寸有餘兩股相
交兩頭結之各存麻本散垂三尺其交結處兩旁
各綴細繩繫之

絞帶用有子麻繩一條大半腰經中屈之為兩股各
一尺餘乃合之其大如經圍腰從本過後至前乃以
其右端穿兩股間而反插於右在經之下


斬衰首經



腰經



絞帶




斬衰至大功初皆散
垂至成服乃絞小功
以下結本不散垂


齊衰首經以無子麻為之大七寸餘本在右末
繫在下布纓腰經大五寸餘帶以布為之而
屈其右端尺餘

大功首經五寸餘腰經四寸餘小功首經四寸
餘腰經三寸餘總麻首經三寸腰經二寸用熟
麻


首 經



腰 經




絞 帶




斬衰苴杖竹也為父竹杖者父者子之天竹圓亦象天也竹外內節象子為父有外內之痛竹能貫四時而不改子之哀痛亦經寒溫而不改也

齊衰削杖桐也桐之言同心同之於父外無節象家無二尊屈於父為之齊衰經時而有變又削之使方象地也杖各齊其心本在下

杖 苴



杖 削




菅屨斬衰屨菅草也


疏屨齊衰屨疏者鹿蒯之非鹿者草名蒯亦草之

類


屨 菅




屨 疏




幘目
覆面帛



手 握



貝 含




珠 飯





衾




衿



明衣裳



旌 銘



苞



筍



甗




1710
1711
1712
1713
1714
1715
1716
1717
1718
1719
1720
1721
1722
1723
1724
1725
1726
1727
1728
1729
1730
1731
1732
1733
1734
1735
1736
1737
1738
1739
1740
1741
1742
1743
1744
1745
1746
1747
1748
1749
1750

方 相




毒楸




功 布




竹 格



翠



大 舉



明集禮

二十四

明集禮卷三十八

欽定四庫全書

明集禮卷三十九

冠服

總叙

傳曰冠首服也首服既加然後人道備故君子重之戰國以來人自為禮家自為俗豈知古之司服有制哉天子之服章十有二日月星辰在天成象者也山龍華蟲宗彝藻火粉米黼黻在地成形者也十二章備者則天

數也公之服自衮冕而下如王之服侯伯之服自鷩冕而下如公之服子男侯伯孤大夫士其降各有差王侯公卿衮衣祭服后之六服三夫人九嬪世婦女御侯伯子男夫人諸侯大夫之妻見於三禮圖而行於古今者不可廢也庶民冠服其變也則隨時王之制於是著冠服篇

乘輿冠服

黃帝始作冕垂旒充纒衣玄而裳黃有虞氏乃有十二

章之服故尚書云予欲觀古人之象日月星辰山龍華

蟲宗彝作繪藻火粉米黼黻絺繡六章畫於衣周制弁

師掌王之五冕司服掌王之六服冕亦有六而曰五者以大裘冕與衮冕同

一冕制但無旒耳祭昊天上帝則服大裘冕祭五帝亦如之大裘

用黑羊皮象天色也玄冕無旒朱裏延紐饗先王則服衮冕冕十二旒每旒十二玉縹玉皆

五采玄衣纁裳龍山華蟲火宗彝畫於衣藻粉米黼黻繡於裳凡九章衮卷也以畫卷龍為首故曰衮冕饗

先公則服鷩冕冕九旒旒十二玉縹玉皆五采玄衣纁裳華蟲以下七章三章在衣四章在裳

以畫鷩雉為首故曰鷩冕祀四望則服毳冕冕七旒旒十二玉縹玉皆五采玄衣纁裳宗彝

以下五章三章在衣二章在裳以畫虎雉為首故曰毳冕

祭社稷五祀則絺冕

冕五旒

十二玉繅玉皆五采玄衣纁裳粉米以下三章一章在衣二章在裳皆繅而無畫故曰絺冕

祭羣小

祀則玄冕

冕三旒旒十二玉繅玉皆五采玄衣纁裳繅黻一章在裳以衣無章故曰玄冕

凡兵

事則章弁服

以韎韁為弁又以為衣

眡內外朝則皮弁服

弁會五采玉璫

象邸玉笄以十二升布為衣積素以為裳

田獵則冠弁

弁委貌也其服緇布衣亦積素為裳凶

事則服弁服

喪冠也其服斬衰齊衰

弔事則服弁經服

如爵弁而素加環經

燕居則服玄端

玄衣朱裳

秦滅禮學郊社服用皆以衿玄冕

旒前後邃延漢高祖制長冠以入宗廟至光武始祀天

地明堂皆冠旒冕玄衣纁裳明帝永平中始備文十二

章刺繡文其常服則用通天冠

高九寸
犀簪導

魏氏多因漢法

其所損益之制無聞晉制祀天宗明堂以大冕

玄衣
黃裳祀

太廟正旦大朝會諸侯以法冕

玄衣
絳裳

小會宴享送諸侯

臨軒會王公以飾冕

紫衣
紅裳

征伐講武校獵以繡冕

朱衣
朱裳

耕稼饗國子以絃冕

青衣
青裳

聽政以通天冠

朱紗
袍

齊因其

制郊廟則用平天冠服

舊衮服用織成明帝以織太
重乃綵畫為之加金飾銀薄臨

朝則用通天冠絳紗袍皂緣中衣拜陵則服黑介幘舉

哀臨喪則服白恰單衣梁因制平天冠

衣畫裳繡十二章素帶朱裏以

朱緣裨飾其側更名赤皮鞞為鞞餘同舊制

其朝服則通天冠服

緣中衣黑

焉

其釋奠先聖則皂紗袍

絳緣中衣絳袴襪黑焉

拜陵則菱布單

衣陳因梁制務從節儉應用織成及繡者並用采畫後

周設司服之官掌皇帝十二服祀昊天上帝則用蒼衣

五方上帝則各隨方色朝日則用青衣祭皇地祇則用

黃衣夕月則用素衣神州社稷則用玄衣享先皇加元

服納后朝諸侯則用十二章享諸先帝食三老五更耕

籍田則用自龍以下九章祀星辰視朝大饗羣臣則用
八章羣祀臨太學入道法門燕射養庶老適諸侯家則
用七章巡兵即兵則以韎韁為衣裳田獵則皮弁白布
衣素裳隋制袞冕服祭祀天地及感生帝明堂五郊雩
禘封禪朝日夕月宗廟社稷籍田廟遣上將征還飲至
加元服納后正旦受朝及臨軒拜王公則服之

冕垂白珠十二

流以組為綬色如其綬黹纁充耳玉笄服玄衣纁裳山
龍華蟲宗彛火五章在衣藻粉米黼黻四章在裳衣重
宗彛裳重黼黻為十二等衣標領織成升龍白紗內單
黼領青標襖裾草帶玉鈎釧大帶素帶朱裏紕具外上

以朱下以綠鞞隨裳色龍火山三章鹿盧玉具劔火珠
鏢首白玉雙佩玄組雙大綬六采玄黃赤白縹綠純玄
質長二丈四尺五百首廣一尺小雙綬長二尺六寸色
同大綬而首半之間施三玉環朱襪赤舄烏加金飾

通天冠朔日受羣臣朝及凡正旦大會冬至大會諸祭

祀還則服之

冠加金博山附蟬十二首施珠翠黑介幘
玉簪導絳紗袍深衣製白紗內單皂領襍

襜褕絳紗蔽膝白假帶方心曲領其革帶劔佩綬烏與
上同若未加元服則裝童髻空項黑介幘雙玉導加寶

武弁服凡講武出征蒐狩大射禡類宜社賞祖罰社

纂嚴則服之

金附蟬
平中幘黑介幘服凡拜陵則服之
白紗單
衣烏皮

履白紗帽服凡視朝聽訟及宴見賓客則服之

白練裙
襦烏皮

履
白恰服凡舉哀則服之

白紗單衣
烏皮鞋

其宴私則著白高

帽其朔日受朝則服皮弁

用漆烏紗前後兩傍如蓮葉
四面空處又安拳花頂上當

縫安金梁梁上加
真珠十二犀簪導

其常聽朝則服赭黃袍

文綾為之烏
紗折上巾六

合唐制十有四等大裘冕者祀天地之服也

廣八寸長
一尺二寸

以板為之黑表纁裏無疏金飾玉簪導組帶為纓色如
其綬黻纁充耳大裘繒表黑羔表為緣纁裏黑領裸襟
緣朱裳白紗中單皂領青裸襜裼朱襪赤烏鹿盧玉具
劔火珠鏤首白玉雙珮黑組大雙綬黑質黑黃赤白纁
綠為純以備天地四方之色廣一尺長二丈四尺五百
首紵廣二寸四分長六尺四寸色如綬又有小纁長
二尺六寸色如大綬而首半之間施三玉環草帶以白
皮為之以屬佩綬印章鞶囊亦曰草帶博三寸半如金

鑲玉鈞牒大帶以素為之以朱為裏在腰及垂皆有裨
上以朱錦貴正色也下以綠錦賤間色也博四寸鈕約
賁賤皆用青組博三寸黼以繒為之隨裳也上廣一尺
以象天數下廣二尺以象地數長三尺朱質畫龍火山
三章以象三才其頸五寸兩
角有肩廣二寸以屬草帶 衮冕者踐祚享廟征還遣

將飲至加元服納后元日受朝賀臨軒冊拜王公之服

也廣一尺二寸長二尺四寸金飾玉簪導垂白珠十二
疏朱絲組帶為纓色如綬深青衣纁裳十二章日月

星辰山龍華蟲火宗彝八章在衣藻粉米黼黻四章在
裳衣畫裳繡以象天地之色也自山龍以下每章一行為

等每行十二衣襟領畫以升龍白紗中單黻
領青襟襍話黻繡龍山火三章焉加金飾 鷩冕者有

事遠主之服也八疏七章華蟲火宗彝四
章在衣藻粉米黼黻在裳 毳冕者祭海

岳之服也

七疏五章宗彞藻粉米在衣黼黻在裳

絺冕者祭社稷饗先農

之服也

六疏三章絺粉米在衣黼黻在裳

玄冕者蜡祭百神朝日夕月

之服也

五疏裳刺黼一章自衮冕以下其制一也簪導劍佩綬皆同

通天冠者冬至

受朝賀祭還燕羣臣養老之服也

二十四梁附蟬十二首施朱翠金博山黑

介憤組纓翠玉犀簪導絳紗袍朱裏紅羅裳白紗中單朱領襌襜裾白裙襦絳紗蔽膝白羅方心曲領白襪黑烏白假帶其制垂二條帛以變祭服之大帶天子緇布未加元服以空頂黑介憤雙童髻雙玉導加寶飾

冠者始冠之服也

五梁

武弁者講武出征蒐狩大射禡類

宜社賞祖罰社纂嚴之服也

有金附蟬平巾憤

弁服者朔日受

朝之服也

以鹿皮為之有襟以持髮十有二琪玉簪導絳紗衣素裳白玉雙佩草帶之後有鞶囊以

盛小雙綬白襪烏皮履

黑介幘者拜陵之服也

無飾白紗單衣白裙襦草帶素襪烏

皮白紗帽者視朝聽訟宴見賓客之服也

以烏紗為之白裙襦白襪

烏皮履

平巾幘者乘馬之服也

金飾玉簪導冠支以玉紫褶白袴玉具裝珠寶鈿帶

有白恰者臨喪之服也

白紗單衣烏皮履

宗天子之服有七大

裘冕者祀天之服也

太祖開寶初服大裘祀天以黑羔皮為之其冕無旒神宗元豐中用

陸佃議冬祭則用裘而加裘冕十二旒夏祭則去裘而服衮冕哲宗時用何洵直議以黑繒制裘領袖用羔皮

而以衮為齋服中興以後亦用黑繒制衮而以衮囊之冕亦十有二旒

衮冕者祭天地宗

廟受冊尊號元日受朝冊拜之服也

冕廣一尺二寸長二尺四寸前後垂

白珠十有二旒以組為纓色如其綬黻廣充耳玉簪導
玄衣纁裳十二章八章在衣日月星辰山龍華蟲火宗
彝四章在裳藻粉米黼黻衣襟領為升龍皆織就為之
山龍以下每章一行重以為等每行十二白紗中單黼
領青標襖裾蔽膝加龍山火三章草帶玉鈎釵大帶素
帶朱裏純其外上朱下綠紐約用組鹿盧玉具釵大珠
纁首白玉雙佩玄組雙大綬六采玄黃赤白綠綠純玄
質長二丈四尺五寸首廣一尺小雙綬長二尺六寸色
同大綬而首半之間施三
玉環朱襪赤舄加金飾
通天冠者正旦宴會冬至朝

賀五月朔視朝大祭祀致齋親耕籍田之服也

冠二十四梁犀

簪導紅絲組帶金釵花鈿以珠寶施博山附蟬絳紗袍
以紅金條紗織成龍文紅裏皂襟襖裾白羅中單紅羅

蔽膝紅羅裏織文與袍同紅羅裙紅
紗裏白羅方心曲領餘同冕服之制履袍者四孟朝獻

景靈宮郊祀明堂詣宮宿廟進胙上壽兩宮及端門肆

赦之服也

袍以絳羅為之折上巾通犀金玉帶繫履則曰履服靴則曰靴袍皆用黑草

衫袍

者大宴及常朝之服也

大宴服赭黃袍衫玉裝紅束帶皂紋靴常朝服赭黃淡黃襖袍

紅衫袍皆皂紗折上巾通犀金玉環帶

窄袍者便坐視事之服也

巾帶如衫袍或

御烏紗帽御閱服者大閱之服也

以金裝甲乘馬

其後殿早講則服帽

子紅袍玉束帶晚講則服頭巾背子

此嘉定講筵之制

其圭笏

之制則宋初大祭祀大朝會皆執玉至元豐禮官議云

周禮王執鎮圭釋者謂祭天地宗廟及朝日夕月則執之若朝覲諸侯授玉於王王受玉撫玉而已考工記天子執冒四寸以朝諸侯蓋天子以冒圭斜刻之處冒諸侯之圭以齊瑞信也未有臨臣子而執鎮圭者唐六典殿中監掌服御之事凡大祭祀則搢大圭執鎮圭奉祀之時既言執圭請自今親祠郊廟搢大圭執鎮圭奉祀之時既接紳再拜則奠鎮圭為贄執大圭為笏從之

元祐制鎮圭大圭皆

長一尺二寸博三寸中興仍舊制大祭祀執大圭以為笏上太上

皇皇太后冊寶亦如之元制祀天則服大裘而加衮

其冕

無正旦聖節朝賀以常服不被衮冕惟祀宗廟則服之

其制冕以漆紗上覆曰綖青表朱裏綖之四周匝以雲龍冠之口圍以真珠綖之前後旒各十二以真珠為之

綖之左右繫黹纈二繫以玄統承以玉瑱纈色黃絡以珠冠之周圍珠雲龍網結通翠柳調珠綖上橫天河帶

一左右至地珠鈿窠網結翠柳朱絲組二屬諸并為綖絡以翠柳調珠簪以玉為之橫貫于冠服以青羅飾以

生色錦金帝星日月山龍華蟲火虎雉裳以緋羅飾以文綺藻粉米黼黻白紗中單緋羅縠膝白玉雙佩緋白

羅大帶納石失綬上有三小玉環下有內庭大宴則服青綠綉紅羅高勒鞞紅綾襪納石失履

質孫

質孫者漢言一色服也

冬之服凡十有一等

服納石失怯綿望納石失者金

錦也怯綿里者剪茸也則冠金錦暖帽服大紅桃紅紫藍綠寶里則冠七寶重頂冠寶里者服之有襪者也服紅黃粉皮則冠紅金荅子暖帽服白粉皮則冠白金荅子暖帽服銀鼠則冠銀鼠暖帽其上並加銀鼠比肩比肩者俗稱夏之服凡十有五等服荅納都納石失則冠寶頂金鳳鈸笠都納石失者綴大珠於金錦服速不都納石失則冠珠子捲雲冠都納石失者綴小珠於金飾服納石失則帽亦如之服大紅珠寶里紅篋子荅納則冠珠綠邊鈸笠白毛子金絲寶里則冠白藤寶貝帽服馳褐毛子則帽亦如之服大紅綠藍銀褐棗褐金繡龍五色羅則冠金鳳頂笠各隨其服之色服金龍青羅則冠金鳳頂漆紗冠服珠子褐七寶珠龍荅子則冠黃牙忽寶貝珠子帶後簷帽服青速夫金絲闌子則冠七寶漆紗帶後簷帽速夫者回回毛其常服則服本俗衣冠國朝祀天不用大布之精者也

裘但服衮冕其祭天地宗廟社稷先農及正旦冬至聖節朝會冊拜皆服衮冕玄衣纁裳其制冕板廣一尺二寸長二尺四寸冠上有覆玄表朱裏前後各十有二旒每旒五采玉珠十二玉簪導朱纓衣六章畫日月星辰山龍華蟲裳六章繡宗彝藻火粉米黼黻中單以素紗為之紅羅蔽膝上廣一尺下廣二尺長三尺繡龍火山三章草帶佩玉長三尺三寸大帶素表朱裏兩邊用緣上以朱錦下以綠錦大綬六采黃白赤玄縹綠純玄質

五百首小綬三色同大綬間施三玉環朱襪赤舄其朔望視朝降詔降香進表四夷朝貢朝覲則服皮弁其制用烏紗冒之前後各十二縫每縫中綬五采玉十二以為飾玉簪紅組纓其服絳紗衣及蔽膝隨衣色白玉佩草帶玉鈎躡緋白大帶白襪黑舄其常服則烏紗折角向上巾盤領窄袖袍束帶間用金玉琥珀透犀

皇太子冠服

周禮有王世子之服而不載其制漢皇太子服玄冠絳

衣魏服五時朝服晉服遠游冠介幘翠綉綴以白珠珮

瑜玉垂組朱衣絳紗褱皂綠白紗中單白曲領帶劔火

珠素首草帶玉鈎黼獸頭鞞囊至明帝泰始六年始服

袞冕九章朝賀

儀曹郎邱仲起議按周禮上公尚得服袞冕况皇太子以儲副之尊宜服袞冕

九章正冬朝賀

梁助祭則服袞冕九章朝會則朱衣絳紗袍隋

皇太子從皇帝祭祀謁廟加元服納妃則服袞服

玄衣纁裳

衣山龍華蟲火宗彛五章裳藻粉米黼黻四章織成爲之白紗內單黼領青褱襜褕草帶金鈎黼大帶素表朱裏赤紕以朱緣鞞隨裳色火山二章玉具劔火珠鏤首瑜玉雙珮朱組纓大綬四綵赤白縹紺純朱質長丈八

尺三百二十首廣九寸小雙組長二尺六寸色同
大綬而首半之間施二玉環朱襪赤舄以金飾 謁廟

還宮元日朔日入廟釋奠則服遠游冠絳紗袍 白紗內單皂領

襪襪白假帶方心曲領絳紗
蔽膝襪舄草帶劍珮綬與上同 五日常朝則服常服遠

游冠 絳紗單衣草帶金鈎釧假帶方心組長六尺
四寸廣二寸四分色同其綬金縷鞶囊襪履 唐皇

太子之服有六袞冕者從祀謁廟加元服納妃之服也

白珠九旒紅絲組為纓犀簪導青纊充耳黑衣纁裳凡
九章龍山華蟲火宗彛在衣藻粉米黼黻在裳白紗中
單黼領青襟裾草帶金鈎釧大帶瑜玉雙珮朱組雙大
綬朱質赤白縹紺為純長一丈八尺廣九寸三百二十
首黻隨裳色有火山二章白襪赤舄朱
履加金塗銀鈎飾鹿盧玉具劍如天子 遠游冠者謁廟

還宮元日朔日入朝釋奠五日常服元日冬至受朝之

服也

其制有具服有公服

具服者遠游冠三梁加金博山附蟬九首施朱翠黑介幘髮纓翠緹犀簪導

絳紗袍白紗中單黑領襌襜褕白裙襦白假帶方心曲領絳紗蔽膝白襪黑舄元日朔日入朝釋奠則服之公

服者遠游冠絳紗單衣白裙襦草帶金鈎釧假帶瑜玉雙珮方心幘金縷鞶囊紛表六尺四寸廣二寸四分色

如大

烏紗帽者視事及宴見賓客之服也

白裙襦烏皮履

弁服

者朔望視事之服也

鹿皮為之犀簪導組纓九璣絳紗衣素裳草帶鞶小綬雙珮白襪烏

皮履平中幘者乘馬之服也

金飾犀簪導紫裙白袴起梁珠玉鈿帶鞶

進德冠

者亦乘馬之服也

九璣加金飾有袴褶常服則有白裙襦

宋皇太子從皇

帝祭天地宗廟服衮冕九章

其冠制與唐同衮服則青衣朱裳白襪朱舄餘同唐

制其朝會服遠游冠服

冠十八梁青羅表金塗銀鈿花飾犀簪導紅絲組博山朱明服

紅花金條紗衣紅紗裏皂襪紅領紅羅襪黑舄草帶珮

紗裏白紗中單皂襪襪方心曲領白羅襪黑舄草帶珮

其常服皂紗折上巾

紫公服通犀金玉帶

其執圭之制至

道二年冊皇太子禮官上言周禮天子執鎮圭公執桓

圭無太子執圭之文晉書太子出會在三恪之下三公

之上請皇太子執圭以受冊從之元皇太子初用國俗

之服後嘗議服衮冕九章而未之服國朝皇太子從皇

帝祭天地宗廟社稷及受冊正旦冬至聖節朝賀納妃
皆被袞冕其制九旒每旒九玉紅絲組纓金簪導兩玉
瑱袞服九章玄衣畫山龍華蟲火宗彝五章纁裳繡藻
粉米黼黻四章白紗中單黼領蔽膝隨裳色繡火山二
章草帶金鈎鶻玉佩五采綬赤白玄縹綠純赤質三百
二十首小綬三色同大綬間施三玉環大帶白表朱裏
上緣以紅下緣以綠白襪赤舄其朔望朝降詔降香進
表四夷朝貢朝覲則服皮弁

諸王冠服

周制王子皆封建為諸侯其服隨所封爵至漢封諸子
為王用遠游冠上衣下裳玉佩紉屨唐親王服遠游冠
黑介幘三梁青綾金鈎釧大帶金寶飾劔玉鏢首纁朱
綬朱質赤黃縹紺為純長一丈八尺廣九寸二百四十
首黃金璫附蟬絳紗單衣白紗內單皂領袖皂襪襪草
帶鈎釧假帶曲領方心絳紗蔽膝白襪烏皮烏宗親王
服七梁冠用金塗銀稜貂蟬籠巾

蟬舊以玳瑁為胡犀
蝶狀今改用金

簪導銀立筆朱衣朱裳白衣中單並皂褙襪蔽膝隨裳
色方心曲領緋白羅大帶玉珮暈錦綬青絲網間施三
玉環白襪黑履草帶以金塗銀玉佩以金塗銀裝國朝
受冊助祭謁廟元旦冬至聖節朝賀納妃則服袞冕九
章冕用五采玉珠九旒紅絲組為纓青纁充耳金簪導
袞衣青衣纁裳畫山龍華蟲火宗彝五章在衣繡藻粉
米黼黻四章在裳白紗中單黼領青緣蔽膝纁色繡火
山二章草帶金鈎髀佩綬大帶表裏白羅朱綠緣白襪

朱履其朔望朝降詔降香進表四夷朝貢朝覲則服皮弁

羣臣冠服

周官司服公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自絺冕而下如子男之服卿大夫之服自玄冕而下如孤之服皆玄衣纁裳凡大祭祀大賓客共其衣服而奉之又曰朝天子則上公衮冕九章侯伯鷩冕

七章子男毳冕五章是周制朝祭皆服冕服也又曰燕居則玄端玄衣卿大夫素裳上士玄裳中士黃裳下士雜裳大夫已上朝夕服之唯士夕服之此玄端為燕居之服也禮曰公執桓圭侯執信圭

信音申

伯執躬圭子執

穀璧男執蒲璧此諸侯朝于天子執以合瑞者也又曰史進象笏書思對命此臣朝于君必執笏以記忽忘也

其制諸侯以象大夫以魚須文竹士以竹本而象飾秦滅禮學制度不聞其郊祀

君臣皆服衽玄西漢服章之制無所考見至明帝時始

制衮冕公卿列侯朝覲皆玄冠絳衣其助祭則三公諸侯用山龍九章九卿以下用華蟲七章皆備五采大佩赤舄絢履玄衣纁裳冕皆廣七寸長一尺二寸前圓後方朱綠裏玄上前垂四寸後垂三寸係白玉珠為九旒以其綬采色為組纓三公諸侯青玉為珠卿大夫五旒黑玉為珠皆有前無後各以其綬采為組纓旁垂黻纁郊天地祀明堂則冠之衣裳玉佩備章采其大佩則衝牙雙瑀璜皆以白玉公卿諸侯以采絲百官執事者冠

長冠皆祗服五岳四瀆山川宗廟社稷諸沾秩祠皆祗
立服絳緣領袖為中衣絳襪其五郊迎氣衣幘袴襪各
如方色百官不執事者各服長冠衿立以從大射於辟

雍公卿諸侯大夫行禮者冠委貌衣立端素裳執事者

冠布弁衣緇麻衣皂領袖下素裳唐羣臣助祭之服則

一品服衮冕

垂青珠九旒以組為纓色如其綬青纁充耳角簪導青衣纁裳服九章五章在衣山

龍華蟲火宗彝四章在裳藻粉米黼黻白紗中單黼領青標襪裾草劍鈎黼大帶黻隨裳色山立玉佩綠紱綬

金玉飾劍

二品鷩冕

八旒服七章三章在衣華蟲火宗彝米履赤舄

四章在裳藻粉米黼黻水蒼玉佩

紫綬金飾劔
餘同衮冕

三品毳冕

七旒服五章三章在衣宗彞藻
粉米二章在裳黼黻水蒼玉佩

餘同

四品繡冕

六旒服三章一章在衣粉米二章在裳
黼黻水蒼玉佩青綬金飾劔餘與毳冕

同
五品玄冕

五旒衣無章裳刺黻一章水蒼
玉珮黑綬金飾劔餘與繡冕同

六品至九

品爵弁

色如爵無旒衣無章玄纓角簪導青衣纁裳白紗
中單青領裸襌裾革帶劔鞬大帶爵鞞赤履

其朝服凡陪祭朝會大事則服之

亦名具服冠憤纓簪
導絳紗單衣白紗中

單白裙襦赤裙衫革帶鈎鞬假帶曲領方心絳紗蔽膝
襪烏劔雙綬一品已下五品已上陪祭朝饗拜表大事

則服之六品以下去
劔珮綬餘並同也

公服凡朔望朝謁見皇太子則服

之亦名從省服冠憤纓簪導絳紗單衣白裙衫革帶鈎
鞬假帶方心襪履絳鞞雙珮一品已下五品已上

朔望朝謁見東宮則服之其六品已下去給鞞囊雙珮並同若致仕官以理去官被召謁見皆服前官從省服也
弁服凡文官尋常公事則服之
烏紗牙鞞導五品已

上用犀纓玉珙朱衣素裳草帶鞞囊小綬雙珮白襪烏皮履一品九珙二品八珙三品七珙四品六珙五品五

珙六品以下去珙及鞞囊
珮綬泥雨則許常服之也
平巾幘袴褶武官尋常公事

則服之
幘制五品已上用犀簪導六品已下用角簪導冠支皆飾以金五品以上兼用玉
褶制三品

以上紫褶五品以上緋褶七品以上綠褶九品以上碧褶並白大口袴起梁帶三品以上玉梁寶鈿五品以上

金梁寶鈿六品以下金鈿隱起烏
皮鞞武官陪位大仗加膝蛇柄襠
其常服
三品以上服用紫飾以玉

五品以上服用朱飾以金七品以上服用綠飾以銀九品以上服用青飾以鍮石庶人服用黃飾以銅鐵
凡

百官笏制三品以上前訕後直五品以上前訕後挫並

用象九品以上任用竹木上挫下方宋羣臣助祭之服

一曰九旒冕親王中書門下奉祀則服之

冕塗金銀花額犀玳瑁簪

導青羅衣繡山龍雉火虎雉五章緋羅裳繡藻粉米黼

黻四章緋蔽膝繡山火二章白花羅中單玉裝劍珮草

帶暈錦綬二玉環緋白羅大帶緋羅襪履九旒冕無額花者三公奉祀則服

之 玄衣纁裳悉畫小白綾中單師子錦綬二銀環同

二曰七旒冕九卿奉祀則

服之

犀角簪尊衣畫虎雉粉米三章裳畫黼黻二章銀裝珮劍草帶餘同九旒冕

三曰五旒

冕四品五品為獻官則服之

青羅衣裳無章銅裝珮劍草帶餘同七旒冕五品

以下無劔珮綬

紫檀羅衣及朱羅裳
劍珮御史博士服之

四曰平冕無旒大

祝奉禮服之

冕無旒青衣纁裳無
劍珮綬餘同五旒冕

中興之後改定四等

其曰鷲冕宰相亞終獻大禮使服之前期景靈宮太廟

亞終獻明堂滌濯進玉爵酒官亦如之

冕八旒每旒八
玉三采朱白蒼

角弁青纁以三色純垂之紘以紫羅屬於武衣以青黑羅
三章華蟲火虎雖彛裳以纁衣羅裏繒七幅繡四章藻
粉黼黻大帶中單佩以珉貫以藥珠綬以絳錦銀環鞞
上純下純繪二章山火草帶緋羅表金塗銀裝襪舄並
依舊制
毳冕六部侍郎以上服之前期景靈宮太廟進爵

酒幣官奉幣官受爵酒幣官薦俎官明堂受玉爵受玉

幣奉徹盪豆進飲福酒徹俎祝腥贊引亞終獻禮儀使
亞終獻爵并盥洗官四員並如之前二日奏告初獻社

壇九宮壇分祭初獻亞獻亦如之

冕六旒每旒六玉三采衣三章繪虎雉彙

藻粉米裳二章繡黼黻佩藻珠衡璜等以金塗銅帶鞞繪以山草帶以金塗銅餘如鷲冕

希冕光祿

卿監察御史讀冊官舉冊官分獻官以上服之前期景

靈官太廟奏奉神主官明堂太府卿光祿卿沃水舉冊

官讀冊官押樂太常卿東朶殿三員西朶殿二員東廊

二十八員西廊二十五員南廊二十七員轅門祭獻官

前二十日奏告亞獻終獻官監察御史並如之社壇九
宮壇分祭終獻官監察御史兵工部光祿卿丞亦如之

冕四旒每旒四玉二采朱綠衣一章繪粉米
裳二章繡黼黻綬以皂綾銅環餘如毳冕 立冕光祿

丞奉禮郎協律郎進搏黍官太社令良醴令太官令奉
俎饌等官供祠執事官內侍以下服之明堂光祿丞奉
禮郎良醴令太祝搏黍官宮架協律郎登歌協律郎奉
御官內侍供祠執事官武臣奉俎官輟門祭奉禮郎太
祝令太官令社壇九宮壇分祭太社太祝太官令奉禮郎

並如之冕無旒無佩綬衣純黑無章裳其朝服一曰五

梁冠一品二品侍祠朝會則服之冠塗金銀花額犀玳瑁簪導立筆緋羅袍

白花羅中單緋羅裙緋羅蔽膝並皂襟襪白羅大帶白羅方心曲領玉劔珮銀草帶暈錦綬二玉環白綾襪皂

皮履二曰三梁冠諸司三品御史臺四品兩省五品侍祠

朝會則服之冠犀角簪導無中單銀劔佩師子錦綬銀環餘同五梁冠三曰兩梁冠

四品五品侍祠朝會則服之冠犀角簪導銅劔佩練鵲錦綬銅環餘同三梁冠

中書門下則五梁冠加籠巾貂蟬御史大夫中丞則三

梁冠有獬豸角衣有中單六品以下則兩梁無中單無

劔佩綬御史則冠有獬豸角衣有中單其常朝公服舊

制一品至三品服紫玉帶四品五品服緋金帶六品七

品服綠銀帶八品九品服青鍮石帶元豐之制去青服

紫者佩金魚服緋者佩銀魚其武臣內侍皆服紫不佩

魚

公服之制曲領大袖下
施橫欄幪頭烏皮鞋

其百官笏制文官五品以上

用象九品以上用木武臣內職并用象千牛衣綠亦用

象廷賜緋綠者給之元羣臣助祭之服三獻官司徒大

禮使則服籠巾貂蟬冠御史則服獬豸冠其助奠以下

諸執事官冠制如貂蟬而無籠巾有六梁五梁四梁三

梁二梁之異以為之等

其服則白紗中單青羅袍紅羅裙紅羅蔽膝紅錦綬藍銀束帶

玉佩御史以下銅佩白羅方心曲領白綾襪赤草烏

其朝會之服則用唐宋公服

一品紫玉帶二品紫犀帶三品四品紫金帶五品紫角

帶六品七品緋角帶八品九品綠角帶其京官賜宴則

有質孫

一色服也

其制冬之服凡九等

大紅納石失大紅怯綿里大紅官素一桃

紅藍綠官素各一紫黃雅青各一

國朝羣臣服制凡上位親祀郊廟社

稷羣臣分獻陪祀則具祭服一品七梁冠衣青色白紗

中單俱用皂領飾緣赤羅裳皂緣赤羅蔽膝大帶用白
赤二色草帶用玉鈎躡白襪黑履錦綬上用綠黃紫赤
四色絲織成雲鳳四色花樣青絲綢小綬二用玉環二

若三公與左右丞相左右大都督左
右御史大夫功臣一品加籠巾貂蟬二品六梁冠衣裳

中單蔽膝大帶襪履同上草帶用犀鈎躡其錦綬同一
品小綬二犀環二三品五梁冠衣裳中單蔽膝大帶襪
履同上草帶用金鈎躡其錦綬用綠黃赤紫四色織成
雲鶴花樣青絲綢小綬二金環二四品四梁冠衣裳中

單蔽膝大帶襪履同上草帶用金鈎髀其錦綬同三品
小綬二金環二五品三梁冠衣裳中單蔽膝大帶襪履
同上其草帶用鍍金鈎髀其錦綬用綠黃赤紫四色織
成盤鵬花樣青絲網小綬二銀環二六品七品二梁冠
衣裳中單蔽膝大帶同上草帶用銀鈎髀其錦綬用綠
黃赤三色絲織成練鵲花樣青絲網小綬二銀環二八
品九品一梁冠衣裳中單蔽膝大帶襪履同上其草帶
用銅鈎髀錦綬用黃綠二色織成鴻鴈花樣青絲網小

綬二用銅環二其笏五品以上用象九品以上用槐木
為之凡賀正旦冬至聖節國家大慶會則用朝服一品
七梁冠衣赤色白紗中單俱用皂領飾緣赤羅裳皂緣
赤羅蔽膝大帶用白赤二色草帶用玉鈎鑿白襪黑履
錦綬上用綠黃赤紫四色絲織成雲鳳四色花樣青絲
網小綬二用玉環二若三公并左右丞相左右大都督
左右御史大夫功臣一品皆如籠
中貂 二品六梁冠衣裳中單蔽膝大帶襪履同上草帶
用犀鈎鑿其錦綬同一品小綬二犀環二三品五梁冠

衣裳中單蔽膝大帶襪履同上草帶用金鈎髀其錦綬
用綠黃赤紫四色織成雲鶴花樣青絲網小綬二金環
二四品四梁冠衣裳中單蔽膝大帶襪履同上草帶用
金鈎髀其錦綬同三品小綬二金環二五品三梁冠衣
裳中單蔽膝大帶襪履同上其草帶用鍍金鈎髀其錦
綬用綠黃赤紫四色織成盤鷗花樣青絲網小綬二銀
環二六品七品二梁冠衣裳中單蔽膝大帶襪履同上
草帶用銀鈎髀其錦綬用綠黃赤三色絲織成練鵲花

樣青絲網小綬二銀環二八品九品一梁冠衣裳中單
蔽膝大帶襪履同上其草帶用銅鈎躒錦綬用黃綠二
色織成鷓鴣花樣青絲網小綬二用銅環二其笏五品
以上用象九品以上用槐木其朔望朝見及拜詔降香
侍班有司拜表朝覲則服公服一品服赤色大獨科花
直徑五寸玉帶二品服赤色小獨科花直徑三寸花犀
帶三品服赤色散荅花直徑二寸金帶鏤葵花一蟬八
四品五品服赤色小雜花直徑一寸五分金帶鏤四品

葵花一蟬六五品葵花一蟬四六品七品服赤小雜花
直徑一寸光素銀帶六品鍍金葵花一蟬三七品光素
銀帶鍍金葵花一蟬二八品九品服赤無花通用光素
銀帶其笏五品以上用象牙九品以上用槐木其幪頭
鞞並依舊制

內使冠服

周官設閤人寺人以掌宮門之禁其冠服之制無所考
漢置大長秋後漢置中常侍初服銀璫左貂後改服金

璫右貂隋置內侍省唐亦置內侍省及內謁者監其服則隨其品職至貞觀中內官但在閤門守禦黃衣廩食而已開元以後多衣朱紫其常服則烏紗帽盤領窄袖衫束帶宋置內給使監從駕出入亦服平巾幘緋衫大口袴元謂之火者其服從其國俗國朝置內使監冠烏紗描金曲脚帽胸背花盤領窄袖衫角束帶其各官火者服則與庶人同

侍儀舍人冠服

古者朝覲必有擯相之職論語公西華端章甫願為小相焉則章甫者擯相之服也漢唐以下置謁者凡朝會則掌引導行禮漢用玄冠絳衣唐用武弁絳公服

見唐令

宋謂之禮直官元謂之侍儀舍人皆掌引導行禮宋用公服元用展脚幪頭窄紫金帶皂鞞國朝侍儀舍人用展脚幪頭窄袖紫衫塗金束帶皂文鞞常服烏紗唐帽諸色盤領衫烏角束帶衫不用黃

校尉冠服

周官太僕隸僕掌王之出入警蹕其服禮書不言其制
漢晉衛士有朱衣絳袍黑袴褶之屬唐執仗之士其首
服則有武弁平巾幘錦帽金鶯帽花脚幘頭黃絕巾袜
額其服則有諸色繡袍大袖勒帛諸色繡柄襠大口袴
銀帶繡戎服大袍銀帶諸色繡寶相花衫大口袴草帶
碧欄金銅帶錦騰蛇宋執仗之士其首服則有武弁平
巾幘花脚幘頭金鶯帽黃絕巾袜額其服則有緋繡衫
草帶諸色繡寶相花衫行膝銀帶紫繡袍佩刀草帶諸

色繡衲襠赤袴銀帶諸色繡袍大口袴錦滕蛇銀帶佩
刀行滕皂皮鞞鞋襪元執仗之士其首服則有交脚幪
頭鏤金額交脚幪頭五色純巾展脚幪頭鳳翅唐巾其
服則有紫梅花羅窄袖衫塗金束帶白錦汗胯緋繡寶
相花窄袖衫塗金束帶行滕鞋襪生色寶相花袍勒帛
雲龍鞞緋純生色寶相花勒帛烏鞞佩寶刀紫羅辮線
襖金束帶烏靴國朝凡執仗之士其首服則皆服鏤金
額交脚幪頭其服則皆服諸色辟邪寶相花裙襖銅葵

花束帶皂絞鞞

刻期冠服

漢唐禁衛皆選輕捷之士而未嘗立名至宋置快行親從官即今刻期之謂也其服書無明文元謂之貴赤其服如常服而以闊絲條大象牙鵬花環為識國朝謂之刻期冠方頂巾衣胸背鷹鷄花腰線襖子諸色闊絲匾條大象牙雕花環行滕八帶鞋

士庶冠服

周制士服深衣賤者衣褐秦漢六朝士庶無常服南方則有中褐裙襦之衣北方則雜以戎狄之服隋大業中創造貴賤章服胥吏以青庶人以白屠商以皂士卒以黃士庶不得以赤黃為衣服雜飾唐初士人以棠苧襪衫為上服一命以黃再命以黑三命以纁四命以綠五命以紫士服短褐庶人以白後以襪袖襪襪為士人上服開髻者名曰缺髻衫庶人服之宋士夫頭巾褶子工商技術不係官樂人通服皂白至道間許士庶工商通

服紫元士庶皆戴帽醫儒戴笠其服通用紵絲綾羅紗
絹不拘顏色國朝士庶初戴四角巾今改四方平定巾
雜色盤領衣不許用黃皂隸冠圓頂巾衣皂衣樂藝冠
青卍字頂巾繫紅綠搭膊

皇后冠服

周制追師掌王后之首服為副編次追衡笄鄭玄云副
者覆也覆首為飾若今步搖也編者編髮為之若今假
紒也次者次第髮長短為之所謂髮髻也追治也衡笄

皆以玉為之衡垂於副之兩旁當耳其下以紃懸瑱筭
卷髮者內司服掌王后之六服禕衣褕翟闕翟鞠衣展
衣祿衣三禮圖云禕衣色玄刻繒為翟形以五綵畫之綴
於衣以為文章褕翟青衣刻繒為搖雉畫以五色
闕翟色赤刻翟形而不畫三者皆王后助祭之服也鞠
衣色黃如麴塵王后親蠶之服也展衣色白展與亶同亶
誠也王后以禮見王及賓客之服也祿衣色黑王后接
御於王之服也漢皇后首飾用假結步搖簪耳步搖以

褕音
搖

黃金為山題貫白珠為桂枝相繆八爵九華熊虎赤羆
天祿辟邪南山豐大特六獸諸爵獸皆用翡翠為毛羽
金題白珠璫繞以翡翠為花入廟所用服紺上皂下朝
會用蠶服青上縹下隋皇后首飾用大小花十二樹褱
衣鞠衣青衣朱衣四等褱衣深青色織成領袖文以翬
翟五采重行十二等素紗中單黼領羅縠褱襪色皆以
紅蔽膝隨裳色以緞為褱用翟三章大帶隨衣裳飾以
朱綠之錦青緣草帶白玉佩玄組綬青襪烏烏加金飾

助祭及朝會受冊大事則服之鞠衣黃羅為質織成領袖蔽膝草帶及舄隨衣色餘同禕衣親蠶則服之青衣去大帶及佩綬金飾履朱衣如青衣禮見天子則服之唐皇后首飾用大小花各十二樹服禕衣鞠衣鈿釵禮衣三等禕衣深青色畫翬赤質五色十二等素紗中單黼領朱羅縠標襖蔽色隨裳色以緞為領緣為翟章三等青衣草帶大帶隨衣色朱裏紕其外上以朱錦及懸以白玉雙佩黑組大綬青襪舄舄加金飾朝會受冊及

助祭則服之鞠衣黃羅為之蔽膝大帶草帶烏隨衣色
親蠶則服之鈿釵禮衣十二鈿兼用雜色宴見賓客則
服之龍鳳珠翠冠泥金霞帔常服之宋皇后首飾用大
小花各十二樹兩博鬢冠飾以九龍四鳳其服褱衣深
青織成翟文素質五色十二等青紗中單餘同唐制朝
會受冊助祭則服之鞠衣色黃蔽膝草帶烏皆隨衣色
親蠶則服之其常服真紅大袖紅羅生色為領紅羅長
裙龍鳳珠翠紅霞帔藥玉為墜紅羅背子紅黃紗衫子

白紗襦袴明黃裙紅粉紗短衫元皇后用本俗冠服國
朝皇后首飾冠為圓匡冒以翡翠上飾以九龍四鳳大
花十二樹小花如大花之數兩博鬢十二鈿服褱衣深
青為質畫翠赤質五色十二等素紗中單黼領朱羅縠
褱襪裾蔽膝隨衣色以緞為領緣用翟為章三等大帶
隨衣色朱裏紕其外上以朱錦下以絲錦紐約用青組
玉草帶青襪青烏烏以金飾凡朝會受冊謁廟皆服之
燕居則服雙鳳翊龍冠首飾釧鐲以金玉珠寶翡翠隨

用諸色團衫金繡龍鳳文帶用金玉

皇妃冠服

古者王后之下為夫人次嬪次世婦次御女則夫人即皇妃之位也周制內司服掌六服褱衣褕翟闕翟之下嬪服鞠衣世婦服展衣御女服祿衣鄭玄以為九嬪服鞠衣則夫人服闕翟乎闕翟者王后第三等服也玄以九嬪服鞠衣故以類推而以夫人服闕翟周制無明文可見漢貴人首飾皆大手髻墨玳瑁加簪珥妃以上又

得服錦綺羅繒采十二色重緣袍唐首飾兩博鬢飾以
寶鈿花釵九樹翟衣九等青質繡翟編次於衣及裳重
為九等青紗中單黼領朱縠標襪裾蔽膝隨裳色以緞
為領緣皆文繡重雉為章二等大帶隨衣色青衣草帶
青襪烏佩綬宋首飾大小花各九株兩博鬢冠飾以九
翬四鳳褕翟青羅繡為搖雉之形編次為衣青質五色
九等素紗中單黼領羅縠標襪蔽膝隨裳色褕翟為章
二等以緞為領緣大帶隨衣色朱裏紕其外上以朱錦

下以綠錦紐約用青組青衣草帶白玉雙佩黑組雙大
綬小綬三間施三玉環青襪烏烏加金飾元服本俗服
國朝參用唐宋之制冠飾以九翬四鳳花釵九樹小花
如大花之數兩博髻九鈿翟衣青質編次於衣及裳重
為九等青紗中單黼領朱縠裸襪裾蔽膝隨裳色加文
繡重雉為章二等以緞為領綠大帶隨衣色玉草帶青
襪烏佩綬凡受冊助祭朝會諸大事服之鸞鳳冠首飾
釧鐲用金玉珠寶翠諸色團衫金繡鸞鳳不用黃束帶

用金玉犀燕居則服之

皇太子妃冠服

北齊首飾假髻步搖花釵九鎖服用綸翟隋首飾花九
樹服用綸翟衣九章素紗中單黼領羅襪色皆以朱
蔽膝二章大帶以青用青緣草帶朱襪青烏烏加金飾
佩瑜玉纁朱綬獸頭鞞囊唐首飾花九樹小花如大花
之數并兩博髮服用綸翟青織成為文為步搖之形青
質五色九等素紗中單黼領朱羅縠標襪蔽膝隨裳色

用緞為領緣以翟為章二等大帶隨衣色不朱裏紕其
外上以朱錦下以綠錦紐約用青組以青衣草帶青襪
烏為加金飾玉佩朱綬鞠衣色黃餘同禴翟從蠶則服
之鈿釵禮衣九鈿服兼用雜色宴見賓客則服之宋制
與唐同元用本俗服國朝冠飾九翬四鳳花釵九樹小
花如大花之數兩博髻九鈿翟衣青質繡翟編次於衣
及裳重為九等青紗中單黼領朱縠襌蔽膝隨裳色
以緞為領緣加文繡重雉為章二等大帶隨衣色青襪

烏佩綬受冊助祭朝會大事則服之犀冠刻以花鳳首飾釧鐲金玉珠寶翠隨用服諸色團衫金繡鸞鳳唯不用黃帶用金玉犀燕居則服之

王妃冠服

公主同

漢諸王妃首飾大手髻七鎮蔽髻簪珥服用文繡隋王妃首飾花用九樹服用褕翟繡為九章佩山玄玉獸頭繫囊綬同夫色唐首飾花釵九樹兩博髻飾以寶鈿翟衣青質繡翟編次於衣及裳重為九等青紗中單黼領

朱標襖裾蔽膝隨裳色以緞為領緣加文繡重翟為章
二等大帶隨衣色青衣草帶青襪烏佩宗親王夫人冠
服與唐同元用本俗服國朝冠飾以九暈四鳳花釵九
樹小花如大花之數兩博髮九鈿翟衣青質五色九等
繡翟編次於衣及裳素紗中單黼領朱縠標襖裾蔽膝
隨裳色以緞為領緣繡翟為章二等大帶隨衣色玉草
帶青襪烏佩綬受冊助祭朝會大事則服之犀冠刻以
花鳳首飾釧鐲用金玉珠寶翡翠服諸色團衫金繡花

鳳唯不用黃帶金玉犀

內外命婦冠服

周制追師為內外命婦之首服曰副編次追衡筭司服
辯內外命婦之服曰鞠衣展衣祿衣其內命婦九嬪服
鞠衣世婦服展衣女御服祿衣其外命婦孤之妻服鞠
衣卿大夫之妻服展衣士之妻服祿衣服鞠衣展衣者
首服以編服祿衣者首服以次漢公卿列侯中二千石
二千石夫人首飾紺繒齒

音國與幘同
包覆於髻也

黃金龍首銜白

珠魚頰適長一尺為簪珥自二千石夫人以上皆以蠶衣為朝服入廟助祭者服皂絹上下助蠶者縹絹上下隋一品命婦花釵八樹褕翟繡為八章佩水蒼玉三品命婦花釵七樹褕翟繡為七章四品命婦花釵六樹闕翟刻繒為翟六章五品命婦花釵五樹闕翟五章皆佩水蒼玉唐外內命婦首飾並兩博髻飾以寶鈿一品花釵九樹衣翟九等二品花釵八樹翟八等三品花釵七樹翟七

等四品花釵六樹翟六等五品花釵五樹翟五等寶鈿
視花釵之數唐內命婦尋常供奉所服並公服公服者
鈿釵雜色禮衣不用中單蔽膝大帶及內命婦常服白
角冠服泥金銷金真珠裝綴衣服元無內外命婦冠服
之制國朝命婦一品冠花釵九樹兩博髮九鈿服用翟
衣色隨夫用紫繡翟九重素紗中單黼領朱縠標襪裾
蔽膝隨裳色以緞為領緣加文繡重翟為章二等大帶
隨衣色草帶用玉青襪烏佩綬二品冠花釵八樹兩博

鬋八鈿服用翟衣八等其色隨夫用紫草帶用犀角並
同一品三品冠花釵七樹兩博鬋七鈿翟衣七等其色
隨夫用紫草帶用金餘同二品四品冠花釵六樹兩博
鬋六鈿翟衣六等其色隨夫用紫草帶用金餘同三品
五品冠花釵五樹兩博鬋五鈿翟衣五等其色隨夫用
紫草帶用烏角餘同四品六品冠花釵四樹兩博鬋四
鈿翟衣四等其色隨夫用緋草帶用烏角餘同五品七
品花釵三樹兩博鬋三鈿翟衣三等其色隨夫用緋草

帶用烏角餘同六品


宮人冠服

唐宮人衣諸色團領窄袖胸背繡團花金束帶白錦汗
膀弓樣鞋烏紗帽 宋宮人衣用紫色團領窄袖徧
刺折枝小葵花以金圈之珠絡縫金束帶紅裙弓樣鞋
上刺小金花烏紗帽飾以花帽額綴團珠結珠鬢梳垂
珠耳飾國朝與宋同

士庶妻冠服

古者士庶衣服有禁令而其制則各隨其南北土俗之
宜秦漢而下貴賤不分王后之為衣者庶民以之緣履
六朝隋唐之間雜衣胡服唐庶人女嫁有花釵以金銀
瑠瓠塗飾之連裳青質青衣草帶襪履同裳色宋制庶
民首飾用銀鍍金項珠耳環用珠服不許用銷金及不
許效四夷服元首飾許用銀鍍金耳環用金釧鐲用銀
服用暗花紵絲綾羅紬絹國朝首飾許用銀鍍金耳環
用金珠釧鐲用銀服淺色團衫許用紵絲綾羅紬絹其

樂妓則戴明角冠皂褙子不許與庶民妻同



明集禮卷三十九